



Stina Egede
Inatsisartuni ilaasortaq,
Maani/

§ 37 naapertorlugu apeqquteqaammut nr. 177-2018 tunngasumut akissut

Asasara Stine Egede.

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, savaatilit ineriartortinneqarnissaat pillugu. Apeqqutitit uanga suliaasaqarfisannut akisassanngortinneqarsimapput.

1. Naalakkersuisut savaateqarnermik inerisaaqqinnissamik siunertalimmik qanoq pilersaaruteqarpat ?

Akissut: Naalakkersuisut aningaasaliipput, savaateqarnerup ineriartorteqqinnissaanut pilersarusiornissamut atugassanik.(sektorplan). Pilersarusiamik norgemiut Agrianalyse suliakkerneqareerput, taakkulu naatsorsuutigaat ukioq 2018 naatinnagu pilersarusiaq naammaseqassasoq. Taannalu pilersarusiaq aallaavigalugu savaateqarnerup ineriartortinneqarnissaa Naalakkersuisut aalajagiivigissavaat.

2. Naalakkersuisut savaatiliunnaarnikunit ESU-mut akiitsutoqqanik isumakkeerinninnissamik pilersaaruteqarpat? Rentilluunniit atorunnaarsinnissaannik pilersaaruteqarpat?

Akissut: takuuk apeqqummut 3-mut akissut.

3. Savaatillit nutaat savaateqarfimmik pisinerminni savaateqarflup akiitsorisimasaanik kingornussinnginnissaat pillugu Inatsisartuni oqallisaareerluni EM2016/110 akuerineqarsimasoq atuutilereerpa?

Akissut: Naalakkersuisut nunalerineq/savaateqarneq pillugu ukiuni kingullerni nalunaarusiortitsisarsimapput. Kingullermik 2017-mi apeqqummi 3-mi pineqartoq pillugu Deloitte nalunaarusiorpoq.

Inatsisartut inatsisaat nr. 6, 2. december 2009-meersoq tunngavigalugu savaatillit periarfissaqareerput akiitsuminnik isumakkeerfigineqarnissaminnik. Piumasaqaatilli assigiinngitsut naammaseqarsimasariaqarput. Taamaattumik savaatillit aningaasarsiernerisa oqinnerulernissaa siunertaralugu Naalakkersuisut suliaqarput inatsisip allanngortinnissaanut, naatsorsuutigineqarporlu UKA2019 saqqummiussisoqarnissaa. Tassungattaq ilaavoq isumakkeerinninnissinnaanermut apeqqut.

Ulloq: 07-08-2018
Suliap normua: 2018 - 15511
Akt normu: 8368101

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

4. Savaateqarfinni aqquserniortoqarnissaanik Naalackersuisut pilersaaruteqarpat?

Akissut: Aqqusernit pillugit oqartussaaffik kommuninut tunniunneqarnikuuvoq, taakkualu anginaasalersorneqarnissaat kommuninut tapiissutit aqqutigalugit ingerlanneqartarlutik.

5. Naalackersuisut nunalerinermik/savaateqarnermik tamakkiisumik inuussutissarsiutillit qamutunut assakaasulinnut sakuuinut (traktor-it gravmaskiinat, assigisaallut), aqqusermi angallannermi akitsuummumut atorunnaarsitsinissamik pilersaaruteqarpat?

Apeqquteqaat Aningaasaqarnermut Akileraartarnermullu Naalackersuisoqarfimmit akissuteqarfigineqarpoq.

Akissut; Naalackersuisut pilersaaruteqanngillat savaatillit qamutaannut motorimik ingerlatilinnut atuutsitinginnissaminik.

6. Ukiut tamaasa ukiuunerani ATV-t aamma traktorit atunngisimaarfigineqarnerinni atuisuniit vægtafgift-imut sipaarniarlutik normuplade-iisa peerneqartarnerat, ukiullu tamaasa nutaamik atugaaleqqinnerisa nalaani normuplade-leqqinneqartarnerinut atatillugu Naalackersuisut nunaqarfinni ATV-nut aqqusermi angallannermi akitsuuteqartitisinermi atorunnarsitsinissamik, allatulluunniit iluseqalersitsinissamik pilersaaruteqarpat?


Apeqquteqaat Aningaasaqarnermut Akileraartarnermullu Naalackersuisoqarfimmit akissuteqarfigineqarpoq.

Akissut: Naalackersuisut maannakkut tusarniaassutigaat, qamutit motorimik ingerlatillit akitsuusersorneqartarnerannut inatsisissamut siunnersuut.

7. Savaateqarneq pillugu Naalackersuisut allanik paasissutissaateqarpat?

Akissut: Taaneqareersutut savaateqarnerup/nunaateqarnerup ineriartortinneqarnissaanut pilersaarummik Naalackersuisut suliaqartitsipput. Taamaalilluni savaateqarnerup oqinnerusumik ingerlalernissaa anguniarlugu. Naalackersuisooqatigiinnissamut isumaqatigiisummi ilanngunneqarsimasoq, immitsinnut pilersornerusinnaaneq tassuunatigut anguneqarsinnaammat.

inussiarnersumik inuulluaqqusillunga



Erik Jensen
Aalisarnermut, Piniarnermut Nunalerinermullu Naalackersuisoq